



Broj:  
Sarajevo, \_\_.\_\_.2017. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – Prečišćeni tekst), Gradsko vijeće Grada Sarajeva, na 8. sjednici održanoj 25.10.2017. godine, usvojilo je

Izvještaj o primjeni Odluke o upotrebi grba, imena i isticanju zastave Grada Sarajeva

**PREDSJEDAVAJUĆI GRADSKOG VIJEĆA**

**Igor dr. Gavrić**

---

BOSNA I HERCEGOVINA  
Federacija Bosne i Hercegovine  
KANTON SARAJEVO  
GRAD SARAJEVO  
GRADONAČELNIK

---



**Grad Sarajevo**  
**City of Sarajevo**

---

BOSNIA AND HERZEGOVINA  
Federation of Bosnia and Herzegovina  
CANTON OF SARAJEVO  
CITY OF SARAJEVO  
**MAYOR**

---

**IZVJEŠTAJ**  
**o primjeni Odluke o upotrebi grba, imena i isticanju zastave Grada Sarajeva**

Predlagač: Gradonačelnik  
Obradivač: Gradska služba za opću upravu i  
zajedničke poslove

**Sarajevo, oktobar 2017. godine**

---

**Adresa:** Hamdije Kreševljakovića 3, 71000 Sarajevo, Bosna i Hercegovina  
**Tel:** +387 33 208 340, +387 33 443 050; **Fax:** +387 33 208 341  
**e-mail:** grad@sarajevo.ba; **web:** www.sarajevo.ba



**EYOF 2019**  
Sarajevo & East Sarajevo

## **IZVJEŠTAJ**

### **o primjeni Odluke o upotrebi grba, imena i isticanju zastave Grada Sarajeva**

#### **Uvodne napomene**

Odlukom Gradskog vijeća Grada Sarajeva o upotrebi grba, imena i isticanju zastave Grada Sarajeva ("Službene novine Kantona Sarajevo" broj: 05/06 – prečišćeni tekst) propisani su uslovi za odobravanje upotrebe grba i imena, te isticanje zastave Grada Sarajeva.

Obzirom da je Odlukom o organizaciji i djelokrugu organa uprave i upravne organizacije Grada Sarajeva ("Službene novine Kantona Sarajevo" broj: 07/07), nadležnost na provođenju Odluke o upotrebi grba, imena i isticanju zastave Grada Sarajeva prenijeta na Gradsku službu za opću upravu, to je Gradsko vijeće Grada Sarajeva, donijelo Odluku o izmjenama Odluke o upotrebi grba, imena i isticanju zastave Grada Sarajeva ("Službene novine Kantona Sarajevo" broj: 33/07).

Shodno Programu rada Gradskog vijeća Grada Sarajeva za 2017. godinu, Izvještaj će, u sadržajnom smislu, dati kraći pregled sa podacima o podnesenim zahtjevima, te donesenim rješenjima u skladu sa Odlukom o upotrebi grba, imena i isticanju zastave Grada Sarajeva.

#### **Aktivnosti na rješavanju podnesenih zahtjeva u periodu oktobar 2016. godine - oktobar 2017. godine**

U izvještajnom periodu podneseno je ukupno 11 zahtjeva za odobravanje upotrebe grba i imena Grada Sarajeva, a rješavani su kako slijedi:

**1.** Rješavajući zahtjev pravnog lica Networks Int d.o.o. iz Sarajeva, od 11.10.2016. god., gradonačelnik je na prijedlog Službe, 13.10.2016.god., donio Rješenje o odobravanju upotrebe imena Grada Sarajeva u nazivu ovog pravnog lica.

Upotreba imena Grada Sarajeva odobrena je uz obavezu plaćanja godišnje naknade u iznosu od 100,00 KM, a što je određeno u skladu sa članom 17. stav 4. Odluke o upotrebi grba, imena i isticanju zastave Grada Sarajeva kojim je, pored ostalog, propisano da se pravnim licima čija djelatnost nije usmjerena na sticanje dobiti utvrđuje godišnja naknada u iznosu od 100,00 KM

Djelatnost ovog pravnog lica je usmjerena na pokretanje inovacija, ideja, poduzetništva i stvaranje novih radnih mjesta, kao i pružanje usluga outsourcinga, edukacije, savjetovanja i co-working prostora.

**2.** Rješavajući zahtjev Udruženja „Sportski savez grada Sarajeva“ od 18.10.2016. god., gradonačelnik je na prijedlog Službe, 25.10.2016. god., donio Rješenje o odobravanju upotrebe imena Grada Sarajeva u nazivu ovog udruženja,

Upotreba imena Grada Sarajeva odobrena je uz obavezu plaćanja godišnje naknade u iznosu od 100,00 KM, a što je određeno u skladu sa članom 17. stav 4. Odluke o upotrebi grba, imena i isticanju zastave Grada Sarajeva kojim je, pored ostalog propisano da se pravnim

licima čija djelatnost nije usmjerena na sticanje dobiti utvrđuje godišnja naknada u iznosu od 100,00 KM

Naime, djelatnost ovog udruženja je sportska djelatnost koja je nesporno djelatnost od posebnog društvenog interesa jer promovise sportske vrijednosti i sport kao oblik zdravog življenja, naročito na međunarodnom planu i utiče u pozitivnom smislu na stil i kvalitet života svih građana. Udruženje će kroz svoje djelovanje vršiti popularizaciju i razvoj sporta, stvarati uslove za organizaciju sportskih manifestacija i takmičenja te poticati izgradnju i održavanje sportskih objekata.

**3.** Rješavajući zahtjev Udruženja manekena i modnih kreatora iz Sarajeva, od 21.10.2016. god. gradonačelnik je na prijedlog Službe, 21.10.2016. god., donio Rješenje o odobravanju upotrebe imena Grada Sarajeva u nazivu manifestacije „37 BH FASHION WEEK SARAJEVO“ koji je održan u periodu od 04.-06.11.2016. godine.

Upotreba imena Grada Sarajeva odobrena je uz obavezu plaćanja naknade u iznosu od 100,00 KM, a što je određeno u skladu sa članom 17. stav 4. Odluke o upotrebi grba, imena i isticanju zastave Grada Sarajeva kojim je, pored ostalog, propisano da se pravnim licima čija djelatnost nije usmjerena na sticanje dobiti utvrđuje godišnja naknada u iznosu od 100,00 KM

BH FASHION WEEK SARAJEVO je modna manifestacija koja se tradicionalno održava već 37. sezonu i u kojoj svoje učešće imaju isključivo domaći modni kreatori i mladi dizajneri iz cijele Bosne i Hercegovine.

**4.** Rješavajući zahtjev Udruženja „Ski klub osoba sa invaliditetom“, od 27.10.2016. god., gradonačelnik je na prijedlog Službe, 28.10.2016. god., donio Rješenje o odobravanju upotrebe imena Grada Sarajeva u nazivu ovog udruženja, a u skladu sa članom 18. Odluke o upotrebi grba, imena i isticanju zastave Grada Sarajeva, bez plaćanja naknade za upotrebu imena Grada, obzirom da je na osnovu dostavljene dokumentacije utvrđeno da se radi o pravnom licu koje je neprofitna i nevladina organizacija koje će kroz svoje djelovanje tretirati djecu ali i odrasle osobe sa invaliditetom kroz organizovanje škola skijanja odnosno promicanje zimskih sportova prije svega skijanja namjenjenog ovoj populaciji.

**5.** Rješavajući zahtjev Sportskog udruženja karate klub „Master Sarajevo-Majstor Sarajeva“ od 17.11.2016. god. gradonačelnik je na prijedlog Službe, 22.11.2016. god., donio Rješenje o odobravanju upotrebe imena Grada Sarajeva u nazivu ovog udruženja,

Upotreba imena Grada Sarajeva odobrena je uz obavezu plaćanja godišnje naknade u iznosu od 100,00 KM, a što je određeno u skladu sa članom 17. stav 4. Odluke o upotrebi grba, imena i isticanju zastave Grada Sarajeva kojim je, pored ostalog, propisano da se pravnim licima čija djelatnost nije usmjerena na sticanje dobiti utvrđuje godišnja naknada u iznosu od 100,00 KM

Naime, djelatnost ovog udruženja je sportska djelatnost koja je od posebnog društvenog značaja jer će udruženje kroz svoje djelovanje formirati sportiste, naročito djecu i omladinu kao zdrave ličnosti u duhu vremena u kojem živimo, te promovisati ime Grada Sarajeva u i izvan BiH što je jedan od ciljeva udruženja. Pored navedenog, udruženje će raditi na daljnjoj

promociji jednog od najtrofejnijih sportova u BiH organizirajući prezentacije po osnovnim i srednjim školama te fakultetima.

**6.** Rješavajući po zahtjevu pravnog lica „Duropack Sarajevo“ d.o.o., gradonačelnik je na prijedlog Službe, 28.11.2016. god., donio Rješenje broj: 01-05-6333-1/16 o stavljanju van snage Rješenja gradonačelnika Grada Sarajeva broj: 01-05-8255-1/14 od 08.07.2014 godine kojim je odobrena upotreba imena Grada Sarajeva u nazivu navedenog pravnog lica. Naime, uvidom u izvod iz sudskog registra Općinskog suda Sarajevo konstantovano je da je Rješenjem Općinskog suda u Sarajevu broj: 065-0-Reg-16-002349 od 01.07.2016 godine navedeno pravno lice promjenilo naziv u „DS Smith Packaging“ d.o.o.

**7** Rješavajući po zahtjevu pravnog lica „Prevent Leather Sarajevo“ d.o.o. Visoko, gradonačelnik je na prijedlog Službe, 20.01.2017. god., donio Rješenje broj: 01-05-106-1/17 o stavljanju van snage Rješenja gradonačelnika Grada Sarajeva broj: 01-05-6354-2/09 od 02.11.2009 godine kojim je odobrena upotreba imena Grada Sarajeva u nazivu navedenog pravnog lica. Naime, uvidom u izvod iz sudskog registra Općinskog suda u Zenici konstantovano je da je Rješenjem Općinskog suda u Zenici broj: 043-0-Reg-16-001189 od 20.12.2016 godine navedeno pravno lice promjenilo naziv u „Prevent Leather“ d.o.o. Visoko.

**8.** Rješavajući zahtjev Udruženja hotelijera Sarajevo, od 11.05.2017. god., gradonačelnik je, na prijedlog Službe, 12.05.2017. god., donio Rješenje o odobravanju upotrebe imena Grada Sarajeva u nazivu ovog udruženja, a u skladu sa članom 18. Odluke o upotrebi grba, imena i isticanju zastave Grada Sarajeva, bez plaćanja naknade za upotrebu imena Grada, obzirom da je na osnovu dostavljene dokumentacije, utvrđeno da se radi o pravnom licu koje je neprofitna i nevladina organizacija koja će kroz svoje djelovanje pružati pomoć u inteziviranju ukupnog razvoja ugostiteljsko turističkih preduzeća čime doprinosi razvoju turizma na nivou Grada Sarajeva i Kantona Sarajevo.

**9.** Rješavajući zahtjev Udruženja „Rotary Club Sarajevo Ilidža“, od 02.06.2017. god., gradonačelnik je, na prijedlog Službe, 06.06.2017. god., donio Rješenje o odobravanju upotrebe imena Grada Sarajeva u nazivu ovog udruženja, a u skladu sa članom 18. Odluke o upotrebi grba, imena i isticanju zastave Grada Sarajeva, bez plaćanja naknade za upotrebu imena Grada, obzirom da je na osnovu dostavljene dokumentacije utvrđeno da se radi o pravnom licu koje je neprofitna i nevladina organizacija koja će preduzimati aktivnosti humanitarnog karaktera, aktivnosti sa ciljem da se postignu i održavaju visoki etički standardi u poslovanju i profesionalnim aktivnostima, nastojanje da se prihvati stav da su sve profesije od značaja za razvoj društva.

**10.** Rješavajući zahtjev Privatne zdravstvene ustanove „Srce Sarajeva“ od 07.08.2017.god., gradonačelnik je, na prijedlog Službe, 08.08.2017 god., donio Rješenje o odobravanju upotrebe imena Grada Sarajeva u nazivu pravnog lica a u skladu sa članom 17. stav 1. Odluke o upotrebi grba, imena i isticanju zastave Grada Sarajeva, uz obavezu plaćanja godišnje naknade za upotrebu imena Grada, u utvrđenom iznosu od 720,00 KM, obzirom da

je na osnovu dostavljene dokumentacije, utvrđeno da se radi o pravnom licu koje će ostvarivati pozitivne poslovne rezultate, imati mali obim poslovanja, produktivnosti i dobiti, te zapošljavati do 10 radnika.

Naime, iz dostavljenje dokumentacije utvrđeno je da se radi o privatnoj zdravstvenoj ustanovi koju osniva Biološki centar „Microgene“ d.o.o. Sarajevo. Ljekarska komora Kantona Sarajevo je izdala odobrenje za osnivanje i rad ove zdravstvene ustanove.

**11.** Rješavajući zahtjev Udruženja Škola fudbala „Valter“ od 18.09.2017. god., gradonačelnik je, 19.09.2017. god. donio Rješenje o odobravanju upotrebe grba Grada Sarajeva kao nezaštićenog znaka i kao amblema ili ukrasa na programima, pozivnicama, plakatima i drugom promotivnom materijalu i to prilikom održavanja Međunarodnog turnira u fudbalu koji će se održati u periodu od 04.04.2018. do 08.04.2018. godine., u skladu sa odredbom člana 5., 6. i 10. Odluke o upotrebi grba, imena i isticanju zastave Grada Sarajeva, a kojima je, pored ostalog, propisano da se upotreba grba Grada Sarajeva može odobriti pravnim licima ako je to od posebnog društvenog interesa ili posebnog interesa za Grad Sarajevo, te se isti mora upotrijebiti u izvornom obliku. Upotreba grba Grada Sarajeva odobrena je uz obavezu plaćanja naknade u iznosu od 100,00 KM u skladu sa odredbom člana 17. stav 4. Odluke o upotrebi grba, imena i isticanju zastave Grada Sarajeva, kojim je, pored ostalog, propisano da se pravnim licima . čija djelatnost nije usmjerena na sticanje dobiti utvrđuje naknada u iznosu koji je utvrđen rješenjem

Nakon okončanja postupaka po svim gore navedenim zahtjevima za upotrebu grba i imena Grada Sarajeva, obavljena je primopredaja odgovarajućeg broja primjeraka donesenih rješenja podnosiocima zahtjeva na koje se odnose rješenja, predmeti su uredno evidentirani u skladu sa odredbom člana 15. Odluke, te arhivirani.

Imajući u vidu gore navedeno, kao i činjenicu da se provedbom ove odluke ostvaruju dva bitna interesa Grada Sarajeva i to promocija ugleda Grada Sarajeva, kao i prihod Gradu, potrebno je konstatovati i sljedeće:

- osam podnesenih zahtjeva, se odnosilo na odobravanje upotrebe imena Grada Sarajeva u nazivu pravnog lica, jedan zahtjev na upotrebu grba u nazivu manifestacije te dva zahtjeva na stavljanje van snage već izdatih rješenja;
- doneseno je ukupno 11 rješenja;
- u pet rješenja donesenih po zahtjevima udruženja građana, utvrđena je obaveza plaćanja godišnje naknade za upotrebu imena Grada Sarajeva, u iznosu od 100,00 KM shodno odredbama člana 17. stav 4. Odluke, jer se radi o pravnim licima koja ne ostvaruju dobit;
- u skladu sa članom 17. stav 1. Odluke u jednom rješenju utvrđena je obaveza plaćanja godišnje naknade za upotrebu imena Grada, u iznosu od 720,00 KM,;

- u periodu od 01.10.2016. godine do 20.09.2017. godine, po osnovu izdatih rješenja o upotrebi imena Grada Sarajeva ostvaren je prihod u Budžet Grada Sarajeva u iznosu od 43.900,00 KM – 36 pravnih subjekata prema izdatim rješenjima imaju obavezu plaćanja naknade za upotrebu imena Grada Sarajeva i to 13 u iznosu od 4.800,00 KM, 1 u iznosu od 2.400,00 KM, 3 u iznosu od 1.200,00 KM, 8 u iznosu od 720,00 KM i 11 u iznosu od 100,00 KM.;
- očekivani prihod u Budžet Grada Sarajeva po ovom osnovu za 2017 godinu iznosi 68.920,00 KM.